

醫

學

啓

源

身如聲如鼓癰疽瘡疹瘰癧氣結核吐下霍亂脊攣
腫脹鼻塞衄血溢血泄瀉身熱惡寒顫慄驚
惑悲笑譫妄衄衄血汚皆屬于熱

諸瘕強直積飲痞膈中滿霍亂吐下體重跗腫肉如
泥按之不起皆屬于濕

諸熱脊癰暴瘡冒昧躁擾狂越罵詈驚駭跗腫疼痠
氣逆衝上禁慄如喪神守噤嘔瘡瘍喉痺耳鳴或
聾嘔涌溢食不下目昧不明暴注瀉痢暴病暴死
皆屬于火

諸澁枯涸乾勁皴揭皆屬于燥

諸病上下所出水液澄徹清冷癥瘕癰疽堅痞腹滿

急痛下痢青白食已不飢吐痢腥穢屈伸不便厥
逆禁固皆屬干寒

五運主病木火土金水者順則皆靜逆則
變亂四時失常陰陽偏勝病之源也

諸風掉眩皆屬肝木

注云掉搖也眩昏亂旋運也風主動故也所謂
風氣甚而頭目眩運者由風木旺則必是金衰
不能制木而木故生火木火者皆陽也故風火
多兼化也風熱相搏則頭目眩運而轉也火性
本動火得風則成焰焰而旋轉也風勢甚則曲
直動搖更加嘔吐也

諸痛痒瘡皆屬心火

注云痛痒而為瘡火之用也五常之道過極則勝已反來制之故火熱過極而反兼於水化也所謂蓋能固物而令不腐爛者鹹寒水化制其火熱使無熱之過極乃水化制之而又固也熱極即是木來生火也甚則皮肉肌膚之間不得宣通故生瘡瘍而痛痒也

諸濕腫滿皆屬脾土

注云地之體也土濕極甚則痞塞腫滿物濕亦然故長夏暑濕之甚庶物陰益也

諸氣癰病痿皆屬肺金

注云肺主氣為陽陽主輕清而升故肺居上而為病則氣鬱痿弱手足無力不能收持也乃血液衰少故病然也秋金王則霧氣蒙鬱而草木痿落病之象也

諸寒收引皆屬腎水

注云收斂引急寒之用也故冬寒冽物拘縮矣
○六氣為病風熱濕火燥寒乃天之六氣也

風木厥陰肝膽之炁也

諸暴強直支痛痙戾裏急筋縮皆屬于風

注云暴卒也虐害也強勁有力而不柔和也直筋勁強也支痛支持也堅固支持筋攣不柔而

痛也。綆，綆縮也。戾，乖戾也。謂筋縮裏急，乖戾失常而病也。然燥金主於緊斂，短縮勁切而風木為病，反見燥金之化者，由亢則害，承乃制也。況風能勝濕而為燥也，筋緩者燥之甚也，故謂風甚皆兼於燥也。

熱者少陰君火之熱，乃真心小腸之氣也。

諸病喘

註云：熱則息數，氣厥而為喘也。故熱則脈實而甚數，喘之象也。

嘔

注云：火氣炎上之象也。故胃膈熱甚則為嘔也。

吐酸

註云肝木之味也由火實制金不能平木則肝木自甚故爲酸也法宜溫藥散之亦由解表之義也使腸胃結滯開通拂熱散而和之若久喜酸而不已則宜溫之宜以寒藥下之後以涼藥調結散熱去則氣和也

暴注

註云卒暴注泄也腸胃熱甚而傳化失常火性疾速故如是也

下迫

註云後重裏急窘迫急痛也火性急速而能燥

物故也

轉筋

註云轉反戾也熱氣燥燥於筋骨攣瘵而痛也所謂轉者動也陽動陰靜證明矣夫轉筋者多因熱甚霍亂吐熱以致脾胃土衰則肝木自甚而熱燥筋故轉筋也大法曰渴則爲熱凡霍亂轉筋而不渴者未之有也或不因吐泄而但外冒于寒而腠理閉密陽氣鬱結怫熱內作熱燥于筋則轉筋也故諸轉筋以湯漬之而使腠理開泄陽氣散而愈也因湯漬而愈故反疑爲寒也

小便渾濁

註云天氣熱則水渾濁寒則水清潔水體清火
體濁故也又如清水為湯則自然濁也

腹脹大而鼓之有聲如鼓

註云氣為陽陽為熱氣甚則然也

癰

註云淺而大也經曰熱勝血則為癰膿也

疽

註云深而惡也

瘍

註云有頭小瘡也

疹

註云浮而小癰疹也

瘤氣

註云赤瘤丹燦熱勝也火之色也

結核

註云火氣熱甚則鬱結堅硬如果中核也不必潰發但以熱氣散則自消也

吐下霍亂

註云三焦爲水穀傳化之路熱氣甚則傳化失常而吐下霍亂火性燥動故也大法曰吐利煩渴爲熱不渴爲寒或熱吐泄始得之亦有不渴者若不止則亡液而後必渴也或寒本不渴若

止津液過多則亦燥而渴也若寒者脉當沉細而遲熱者脉當實大而數或損氣亡液過極則脉亦不能實數而反緩弱也雖尔亦為熱矣

瞽

註云昏也熱氣甚則濁亂昏昧也

鬱

註云佛鬱也結滯塞而氣不通暢也所謂熱甚則腠理閉密而鬱結也則如火煉物極相合而不離也故熱鬱則閉塞而不通暢也然寒水主于閉藏而今反屬熱者謂火熱亢極則反兼水化制之故也

腫脹

註云熱勝于內則氣鬱而爲腫也陽熱氣甚則腹脹也火主長而高茂形貌彰顯升明舒榮皆脰脹之象也

鼻塞

註云窒塞也火主臍臍腫脹故陽明熱而鼻中臍脹則窒塞也

鼻淵

註云鼻出清涕也夫五常之道微則當其本化甚則兼其鬼賊故經曰亢則害承乃制也由是肝熱甚則出汗脾熱甚則出涎肺熱甚則出涕

腎熱甚則出唾此乃寒傷皮毛則腠理閉密陽熱怫鬱病熱也

衄

註云陽熱怫鬱于手足陽明而上熱甚則血妄行爲鼻衄也

血溢

註云上出也心養于血故熱甚則血有餘而妄行也

血泄

註云熱在下焦而大小便血也

淋

註云小便澀痛熱客膀胱鬱結而不能滲泄故
也可用開結利小便之寒藥以使結散熱退血
氣宣通榮衛和平精神清利而已

閤

註云大便澀滯也熱耗其液則糞堅結大腸燥
澀緊斂故也俗謂風熱結謂火甚則制金不能
平木則肝木自甚故也或大便澹而閤者燥熱
在乎腸胃之外而濕熱在內故也

身熱惡寒

註云此熱在表也邪熱在表而淺邪畏其正故
病熱反惡寒也仲景法曰無陽病寒不可發汗

又云身熱惡寒麻黃湯汗之汗出熱去身涼即愈
戰慄

註云動搖火之象也陽動陰靜而水火相反故
厥逆禁固屈伸不便爲病寒也慄者寒冷此由
心火熱甚亢極而戰反兼水化制之故寒慄也
然寒者由火甚倡水實非兼有寒氣也故以大
承氣湯寒藥下之多有燥糞下後熱退戰慄愈矣
驚

註云心卒動而不寧也火主動故心火熱甚也
雖爾止爲熱極於裏乃火極而倡水則喜驚也
反兼腎水之恐者亢則害承乃制故也

惑

註云疑惑猶豫濁亂而志不一也象火參差而惑亂故火實則水衰失智而惑也智者腎水之神也

悲

註云金肺之志也金本燥能令燥者火也所謂悲泣五液俱出者火熱亢極而反兼水化制之故也

笑

註云蕃茂鮮淑舒榮彰顯火之化也故喜爲心火之志也喜極而笑者猶燔爍火喜而鳴笑之

象也

謔

註云多言也言爲心聲猶火燔而鳴故心火熱則多言猶醉而心熱故多言也

妄

註云虛妄也火爲陽故外清明而內濁昧其主動亂故心火熱甚則腎水衰而志不專一虛妄見聞而不問答則神志失常而如見鬼神也

衄衄血汚

註云血出也汚者濁也心火熱極則血有餘熱氣上甚則爲血溢熱勢亢極則燥而汚濁害承

乃制則色兼黑而爲紫也
濕者太陰濕土乃脾胃之氣也

諸瘕強直

註云筋勁強直而不和柔也土主安靜故也陰
瘕曰柔瘕陽瘕曰剛瘕亢則害承乃制故病濕
過極則反兼風化制之而然兼化者虛象也實
非風也治風則悞

積飲

註云留飲積蓄而不散也土得燥則消散得濕
則不消以爲積飲也土濕主痞故也

痞

隔

註云與否同不通泰也謂閉塞而為痞也

中滿

註云阻滯也謂腸胃隔絕而傳化失其常也

註云濕為積飲痞隔而土主形體位在中央故中滿也

霍亂吐下

註云濕為留飲痞膈而傳化失常故甚則霍亂吐泄也大決曰若利色青者肝木之色由火甚制金使金不能平木則肝自甚故色青也或言利色青為寒誤也則如仲景曰少陰病下利清

水色純青者熱在裏也大承氣湯下之及小兒
熱甚急驚利色多青爲熱明矣利色黃者由火
甚則水必棄而脾土自王故色黃也利色紅者
爲熱心火之色也或赤者熱深也利色黑而反
爲熱者由火盛過極則反兼水化制之故色黑
也則如傷寒陽明熱病極則日晡潮熱甚則不
識人循衣摸床如見鬼狀獨語法當大承氣湯
下之大便不黑者易治黑而難治也諸痢同法
。然辨利色以明寒熱者更當審其藥物之色
也則知小兒病熱吐痢霍亂其乳未及消化而
痢尚白者不可便言爲寒當以脉證別之又法

體重

凡泄痢小便清白不澁爲寒赤澁者爲熱也
入法曰完穀不化而色不變吐痢腥穢澄徹清
冷小便清白不澁身涼不渴脉遲細而微者寒
證也穀雖不化而色變白煩渴小便赤黃而或
澁者熱證凡穀消化者無問色及他證便爲熱也

註云輕清爲天重濁爲地故土濕爲病則體重
痞使然也

肘腫肉如泥按之不起

註云按之不起泥之象也土過濕則爲泥濕爲
病也積飲痞隔中滿體重霍亂吐下故甚則跗

腫矣

火者少陽相火之熱乃心包絡三焦之氣也

諸熱瞽音遽

註云昏也則如酒醉而心火熱甚則神濁昧而瞽昏也

瘵

註云動也惕跳動瘵火之體也

暴瘖

註云卒瘖也金肺主聲火旺水衰熱乘金肺而神濁氣鬱則暴瘖而無聲也

昏昧

註云昏冒也昧昏暗也氣熱則神濁冒昧則火之體也

躁擾

註云躁動煩熱擾亂而不寧火之體也熱甚于外則支體躁擾熱甚于內則神志躁動反復顛倒懊懷煩心不得眠也由水衰而火之動也故心胃躁動謂之怔忡俗云心忪皆爲熱也

狂越

註云狂者狂亂也無正定也越者乖越理法而失常也然外清內濁動亂參差火之體也由是腎水主志而水火相反故心火旺則腎水衰乃

失志而狂越也凡發熱于中則多于陽明胃經也故經陽明之厥面赤而熱妄言

罵詈

註云言爲心之聲罵詈言之惡也今病陽實陰虛則水弱火強制金不能平木而善言惡發罵詈不避親疎木火熱之所生也

驚駭

註云驚者愕也火之用也

肘腫

註云熱勝肉而陽氣鬱滯故也

瘰癧

註云酸疼也由火實制金不能平木則木王而
爲兼化故言酸疼也

氣逆衝上

註云火氣炎上故也

禁慄如喪神守

註云慄戰禁冷也如喪神守者神能御形而反
禁慄則如喪失保守形體之神也

嚏

註云鼻中因痒氣噴於聲鼻爲肺竅痒爲火化
心火邪熱干于陽明發于鼻痒則嚏也

瘡瘍

註云瘡瘍君火同化

喉痺

註云痺不仁也俗作閉猶塞也火主腫脹故
熱上焦而咽嗑腫脹也

耳鳴

註云有聲非妄聞也耳爲腎竅交會手太陽少
陰足厥陰少陰少陽之經若水虛火實而熱氣
上甚客其經絡衝于耳中則鼓其聽戶隨其脉
氣微甚而作音聲也故經曰陽氣萬物上甚而
躍故耳鳴也然音在耳中故微亦聞之也

聾

註云聾爲腎虛於陰已誤之矣夫正理曰心火
本熱衰則寒也腎水本寒衰即熱也腎水既少
豈能反爲寒耶故經言足少陰腎水虛則腹滿
身重濡泄瘡瘍大便難口苦舌乾咽腫上氣嗌
乾及痛煩心心痛黃疸腸癖下血皆熱證也凡
治聾者適其所宜若熱證已退而聾不已者當
以辛熱發之三二服不愈者不可久服熱極恐
他病若聾有熱證相兼者宜以退風散涼藥調
之熱退結散而愈也然聾甚閉絕亦爲難已慎
不可攻之過極則傷正氣也

嘔涌溢食不下

註云火氣炎上故也胃陽熱甚則傳化失常故也

目昧不明

註云目赤腫痛瞖膜皆瘍皆為熱也經云熱甚目瞑眼黑也仲景言傷寒病熱極則目不識人乃目盲也正理曰由熱甚怫鬱於目而致之然也

暴注

註云卒泄與君火義同

瞶瞶

註云惕跳動也火主動故夏熱則脉洪大長

慙之象也

暴病卒死

註云火性疾速故也或心火暴甚而腎水衰弱不能制之熱甚怫鬱心神昏冒則筋骨不用卒倒而無所知是爲僵仆也甚則水化制火熱甚而生涎至極即死也俗云暗風由火甚制金不能平木故風木自甚也○肥人腠理緻密而多鬱滯氣血難以通利若陽熱又甚而鬱結甚則故卒中也瘦人反中風者由暴然陽熱太甚而鬱結不通故也

燥者陽明燥金乃肺與大腸之氣也

澁

註云凡物濕潤則滑澤乾燥則澁滯燥濕相反故也然遍身中外澁滯皆屬燥金之化也故秋脉澁澁澁也或麻者亦由澁也由水液衰少而燥澁○氣行壅滯而不得滑澤通利氣強攻衝而爲麻也俗方麻病多用烏附輩者今氣因之衝開道路以得通利氣行故麻愈也無熱證即當此法治之甚佳或風熱勝濕爲燥因而病麻則退風散熱活血養液潤燥通氣之涼藥調之則麻自愈也治燥澁只如此是也

枯涸乾勁

註云枯不榮王也涸無水液也乾不滋潤也動
不柔和也然春秋相反燥濕不同也大法曰身
表熱爲熱在表渴飲水爲熱在裏身熱飲水表
裏俱有熱身涼不渴表裏俱無熱經所不取火
化渴者謂渴非特爲熱則如寒吐利亡液過極
則亦躁而渴也雖病風熱而液尚未衰則亦不
渴也豈可止言渴爲熱而痞爲寒也

皴揭

註云皮膚啓裂也乾爲天爲燥金汗爲地爲濕
土天地相反燥濕異用故燥金主於緊皴故秋
脉緊細而微而濕土主於縱緩故六月其脉緩

大而長也則如地濕則縱緩滑澤乾則緊斂燥
澁皴揭之理明矣俗言皴揭爲風者由風能勝
濕而爲燥故也經云厥陰所至爲風府爲壘啓
由風勝濕而爲燥也

諸病寒者太陽寒水乃腎與膀胱之氣也

上下所出水液澄徹清冷

註云澄湛而不渾濁也水體清淨而其氣寒冷
故水穀不化而吐利清冷水液爲病寒也則如
天氣寒則濁水自澄清也

癥猶徵也

註云腹中堅硬按之應手謂之癥也水體

而今反堅硬如地體者亢則害承乃制也故云
濕病過極而爲痿反兼風化制之也風病過極
而反燥筋脉勁急反兼金化制之也燥病過極
而煩渴反兼火化制之也熱病過極而反出五
液或爲戰慄惡寒反兼水化制之也其爲治者
但以泄其過甚之氣以爲病本不可反悞治其
兼化也夫五常之道甚則無已制之則造化息
矣則如春木王而多風風大則反涼是反兼金
化制其木也大涼之下天氣反溫乃火化承其
金也夏火熱極體反出液是反兼水化制其火
也因而濕陰雲雨乃土化承于水也雨濕過極

而兼烈風乃木化制其土也飄驟之下秋氣反
涼乃金化承于木也涼極而反燥乃火化而制
其金也因而爲冬乃水化承于火也寒極則水
冰如地乃土化制其水也凝凍極而起東風乃
木化承土而成歲也凡不明病之標本者由未
知乎此也

瘕

註云腹中雖硬而忽聚忽散無其常準經曰血
不流而寒薄故血內凝而成瘕也一云腹內結
病也又曰小腸移熱於大腸爲伏瘕爲沉註曰
小腸熱已移入大腸兩熱相搏則血溢而爲伏

瘕也血澁不利則月事沉滯而不行故云爲處
瘕爲沉處乃或陽氣鬱結怫熱壅滯而堅硬不
消者非寒瘕瘕也宜以脉證別之瘕即疝也傳
寫之悞

癰疝

註云小腹連卵腫急絞痛也寒主拘縮故也寒
極而土化制之故腫滿也經云丈夫癰疝謂陰
氣連小腹急痛也經曰寒氣聚而爲疝也脉急
者寒之象也然寒則脉當短小而遲今言急者
非急數而洪也由緊脉主痛急爲痛甚。病寒
雖急亦短小也所以有痛而脉緊急者脉爲心

所養也凡氣爲痛則心神不寧而緊急不得舒
緩故脉亦從之而見也欲知何氣爲其痛者適
其緊急相兼之脉可知也則如緊急洪數則爲
熱痛之類也

堅痞腹滿急痛

註云寒主拘縮故急痛也寒極則血脉凝泣而
而反兼土化制之故堅痞而腹滿也或熱鬱于
內而腹滿堅結痛也不可言爲寒也當以脉別之
下痢清白

註云寒則清淨明白故也

食已不飢

註云胃熱則消穀善飢故病寒食雖已而不飢也胃弱消澤而無燥熱故也或邪熱不殺穀而腹熱脹滿雖數日不食而不飢者不可言爲寒也由陽熱太甚而鬱結傳化失常故雖不食亦不飢也二證以脉別之自見

吐痢腥穢

註云腸胃寒而傳化失常我子雖制鬼賊故寒勝火衰金玉而吐痢腥穢也腥者金之臭也由是熱則吐痢酸臭而寒則吐痢腥穢也由飯漿熱則喜酸而寒則水腥也

屈伸不便厥逆禁固

註云陰水主于清淨固病寒則四肢逆冷而禁止堅固舒卷不便利也故冬脉沉而短以數病之象也或病寒尚微而未至於厥逆者不可反以爲熱或熱甚而成陽厥者不可反以爲病寒也然陰厥者元病脉沉皆爲陰證身涼不渴脉遲細而微未嘗見於陽證也其陽厥者元病脉證皆爲陽證熱極而反厥而復反溫雖厥而煩渴譫妄身熱而脉數也若陽厥逆深而至於身冷反見陰脉而欲絕者止爲熱極而欲死也經曰一陰一陽之謂道偏陰偏陽之謂疾陰陽以平爲和以偏爲病萬物皆負陰抱陽而生故孤

陰不長孤陽不成是以陽氣極甚而陰氣極衰
則陽氣怫鬱陰陽偏傾而不能宣行則陽氣畜
聚于內而不能榮運于四肢則手足厥冷爲陽
厥仲景曰熱深則厥亦深熱微則厥亦微又曰
厥當下之下後厥愈當以涼藥養陰退陽涼膈
散調胃承氣湯下之是也大凡治病者必先明
其標本標者 末也本者根源也故經曰先
病爲本後病爲標又曰標本相傳先以治其急
者又言六氣爲本三陰三陽爲標故病氣爲本
受病經絡臟腑謂之標夫標本微甚治之逆從
不可不通矣故經曰知逆與從正行無問明知

標本萬舉萬當不知標本是爲妄行正此謂也

○風

防風通聖散

治一切風熱鬱結氣血蘊滯筋脉拘攣手足麻痺
肢體焦痿頭痛昏眩腰脊強痛耳鳴鼻塞口苦舌
乾咽嗌不利胃膈痞塞咳嗽喘滿涕唾稠粘腸胃
燥澁便溺淋瀝或腸胃蘊熱鬱結水液不能浸潤
於周身而爲小便出多者或濕熱內甚而有溏泄
者或表之正氣與邪熱併甚於裏陽極以陰而寒
顫煩渴者或熱甚變爲瘡疾久不已者或風熱走
注疼痛麻痺者或腎水陰虛心火陽甚熱暴甚中

風或暴瘡不語及暗風痼病或破傷中風時發潮
痛并小兒熱甚驚風或癰疹未出不快者或熱極
黑陷將欲死者或風熱瘡疥久不愈者并醃酒熱
毒及調理傷寒發汗不解頭項肢體疼痛並宜服之

防風 二錢半 川芎 伍錢 石膏 一錢 滑石 參錢

當歸 一兩 赤芍藥 伍錢 甘草 二錢 大黃 伍錢

制蒼朮 二錢 薄荷葉 一兩 麻黃 伍錢 白朮 伍錢

山梔子 三錢 連翹 伍錢 黃芩 伍錢 桔梗 伍錢

牛膝 伍錢 人參 伍錢 半夏 伍錢 姜制

右為歲末每服四錢水一盞生薑三片煎至六分
去滓溫服不計時候日三服病甚者五七錢至一

兩極甚者須可下之多服二兩三兩得利後却當服三五錢以意加減病愈更宜常服二三錢則無所損不能再作

靈砂丹

治風熱鬱結氣血蘊滯頭目昏眩鼻塞清涕口苦舌乾咽嗌不利胃膈痞悶咳嗽痰實腸胃燥澀小便赤或腎水陰虛心火熾甚及偏正頭痛髮落齒痛遍身麻木疥癬瘡瘍一切風熱並皆治之

大黃

獨活

羌活

細辛

石膏

防風

連翹

薄荷葉

各二兩

川芎

山柰

不去皮

芍藥

荆芥穗

當歸

黃芩

大黃生

全蝎微炒各半兩

桔梗

已上各半兩

滑石肆兩

藥花

人參

白朮

各半兩

朱砂衣

寒水石

生用各半兩

縮砂仁

壹分

甘草

生用

右細末煉蜜為圓每兩作十圓朱砂衣每茶清嚥一圓下食後服

神僊換骨丹

治氣血凝滯榮衛虧損風熱濕氣相搏筋血之間內含偏虛最為不遂之病氣感八風血凝五痺筋攣骨痛癱瘓偏枯一切風證並宜治之服之神妙難以盡宣

槐角

蜜熟

桑白皮

去蘊皮

川芎

蒼朮

去蘊皮

白芷

蔓荊子

去毒

人參

威靈仙

何首烏

防風

去蘊皮

苦參

五味子

香附子

蜜熟

麻黃

去蘊皮

麻黃

拾斤

朱砂

水浸

右將麻黃去皮根不去麻黃節用河水三石三斗

三升小斗七升是也熬至六升瀝去麻黃澄清再

熬至二升半入其餘藥末每一兩三錢作一十圓

朱砂為衣每服一圓酒一盞浸至晚溶化開臨卧

服之

不換金丹

退風散熱治風有二法引經和血及開發腠理經

脉凝滯非行經則血不順是治于內也皮膚鬱結
非開發則榮衛不和是調理于外也此亦發散之
藥也

荆芥穗

白姜蠶炒

天麻

甘草略壹兩

羌活去蘆

川芎

白附子青川烏頭生

蝎梢去毒炒

藿香葉略半兩

薄荷參兩防風壹兩

右爲細末煉蜜元彈子大每服細嚼茶酒下如口
噤向左即右腮上塗之即正

花蛇續命湯

治卒中急風牙關緊急精神昏愼口眼喎斜不省
人事痰涎不利喉中作聲

白花蛇

酒浸去皮骨焙乾

全蝎

炒

獨活

去土

天麻

附子

人參

防風

肉桂

白朮

藁本

白附子

赤箭

川芎

細辛

去葉

白芷

甘草

半夏

湯浸切

白茯苓

去皮

麻黃

去節水浸三沸去沫細切已上各壹兩

右為麤末每服五錢水一盞生姜五片煎至七分

去滓稍熱服不拘時

加減沖和湯

治中府之病宜外陽補脾胃瀉風木實表裏養榮

柴胡

伍分

升麻

叁分

黃耆

伍分

半夏

貳分

黃岑 二分

陳皮 二分

人參 二分

芍藥 三分

當歸 三分

甘草 三分

黃柏 西漢三分

右剉如麻豆大作一服水二盞煎至一盞去滓稍熱服如有自汗多者加黃耆半錢嗽者加五味子二十箇

防風天麻散

治風痺走注肢節疼痛中風偏枯或暴瘖不語內外風熱壅滯解昏眩

防風

川芎

天麻

羌活

白芷

草烏頭

白附子

荊芥穗

當歸

甘草

各半兩

滑石 二兩

右為末熱酒化蜜少許調半錢加至一錢覺藥力
運行微麻為度或煉蜜圓如彈子大每服一九熱
酒化下或半圓細嚼白湯下亦得散鬱結宣氣血
如甚者服防風通聖散

祛風圓

治風偏枯手足顫掉語言蹇筋骨痛

川烏頭炮

草烏頭炮

天南星

半夏

萊菔粉

各一兩

甘草

川芎

白姜

蠶去絲

藿香葉

苓苓香

地龍

蝎稍

各二錢

川姜

半兩炮

右末一兩用萊菔粉一兩白麵二兩滴水元梧

子大每三五元細嚼茶清下或五七元亦得愈後
初三元以漸加之

大通聖白花蛇散 中府之藥也

大治諸風無問新久手足攣曳腰脚緩弱行步不
正積神昏昧口眼喎斜語言蹇澀痰涎壅盛筋脉
攣急肌肉頑痺皮膚皴燥痒骨節疼痛或痛無常遊
走不定及風氣上攻面浮耳鳴頭痛目眩下注腰
脚疼痛腿重腫痒生瘡並宜服之

天麻

去苗

赤箭

防風

去苗

藁本

海桐皮

木香

肉桂

杜仲炒

乾山藥

當歸

威靈仙

白附子炮

菊花

蔓荊子

羌活去蘆

虎骨酥炙

白芷

乾蝎

白花蛇酒浸去骨用肉

草解

甘草炙

郁李仁去皮

牛膝去苗名

厚朴薑汁製

兩

壹

右爲末每服一錢至二錢溫酒調下荊芥湯亦得
空心服之常服祛風逐氣通行榮衛久病風人尤
宜常服輕可中風不過二十服平服如故

活命金丹

治風中藏不語半身不遂肢節頑痺痰涎上潮咽
噎不利飲食不下牙關緊禁及解一切藥毒酒毒
發熱腹脹大小便不利胃膈痞滿上實下虛氣喘
面赤汗後餘熱不退勞病諸藥無問老幼婦人俱

得服之

貫芎

甘草

板藍根

乾葛各壹兩

龍腦

貳錢研

麝香

叁錢研

牛黃

伍錢研

生犀

珠子粉

各半兩

川大黃

壹兩半

辰砂

肆錢壹兩半

青黛

叁錢

薄荷

伍錢

桂

叁錢

甜硝

壹兩

右爲細末煉蜜同水浸蒸餅爲劑每兩作十元別入朱砂爲衣就濕以真金箔四十葉爲衣臚月脩合磁籠內收貯多年不壞如療風毒茶清化下解藥毒新冷水化下餘熱勞病及小兒驚熱薄荷湯化下已上並量大小加減用之

至寶丹

治卒中風急不語中惡氣卒中諸物毒暗風卒熱
疫毒陰陽二毒嵐瘴毒誤中暑毒產後血暈口鼻
血出惡血上攻心苦煩燥心肺積熱霍亂吐利風
注筋大腸風瀉神魂恍惚頭目風眩眠睡不安唇
口焦乾傷寒狂語小兒急驚風熱卒中喑不得眠
睡煩燥驚風搐搦以上無不療者

辰砂伍兩水飛 生犀伍兩 麝香貳兩研 玳瑁伍兩

牛黃貳兩盞半研 龍齒伍兩水飛 龍腦叁兩壹半研 人參伍兩洗

銀箔百箔入藥 琥珀伍兩 安息香伍兩用酒半升熬膏

雄黃貳兩半 金箔壹佰貳拾箔半為衣餘入藥

南星叁兩半水浸軟切片壹法酒貳升半浸蒸茶次焙乾用

右爲細末用安息香膏次煉蜜一處搜和爲元棗
桐子大每服三元五元煎人參湯下小兒一元至
二元湯同

牛黃通腦湯

治初病風證覺一二日實則急宜下之

牛黃

參錢別

大黃

壹兩

甘草

壹兩

朴消

參錢別

右件爲末每服一兩水二盞除牛黃朴消外煎至
一盞去滓入牛黃朴消一半調服以利三三行爲
度未利再服量虛實加減服之

。熱暑

白虎湯

治傷寒大汗出後表證已解心胃大煩渴欲飲水
及吐或下後七八日邪毒不解熱結在裏表裏俱
熱時時惡風大渴舌上乾燥而煩欲飲數升者宜
服之又治夏月中暑毒汗出惡寒身熱而渴

知母

去皮

甘草

宜兩多

粳米

宜合

石膏

清熱亂文

右為末每服三錢水一盞半煎至一盞去滓溫服
小兒量方與之或加人參少許同煎亦得食後服
此藥立夏後立秋前可服春時及立秋後并亡血
虛人不宜服

桂苓甘露飲

治飲水不消嘔吐泄利流濕潤燥通宣無液水腫

腹脹泄瀉不能止者兼治霍亂吐瀉下痢赤白煩渴解暑毒大有神効兼利小便

白茯苓去皮 白朮

猪苓去皮

甘草炙

澤瀉去皮

寒水石別研

滑石別研

桂去煮皮半兩

右為細末或煎或水調二三錢任意或入蜜少許亦得

桂苓白朮散

治冒暑飲食所傷傳甚濕熱內甚霍亂吐瀉轉筋急痛腹滿痛悶小兒吐瀉驚風宜服之

木香

桂

藿香

人參

茯苓去皮

甘草炙

白朮

葛根

澤瀉

石膏

寒水石

各壹兩

滑石

貳兩

右為末每服三錢白湯調下新水或生薑湯下亦得

益元散

桂府滑石

大兩燒去

甘草

壹兩

右為極細每服三錢蜜少許溫水調下無蜜亦得或飲冷者新水亦得或發汗煎葱白豉湯調無時

竹葉石膏湯

治傷寒解後虛羸少氣氣逆欲吐

淡竹葉

半斤

石膏

兩別

人參

甘草

各半兩

麥門冬

半斤

半夏

貳錢半湯洗

右剉如麻豆大每服五錢水一盞半入粳米百餘

粒煮取八分米熟湯成去滓溫服

化痰玉壺元

南星

半夏

並生用

天麻

已上各半兩

白麵

參兩

右為細末滴水元如梧子大每服三十元用水一大盞先煎令沸下藥煮候浮瀰出方熟放溫別用生姜湯下不拘時候

四君子湯

治煩熱燥渴

白茯苓

去皮

人參

去蘆

甘草

炙

白朮

各等分

右以咀每服三錢水一盞煎至七分去滓溫服

白朮散

治諸煩渴津液內耗不問陰陽服之止渴生津液

白朮

人參土蘆

白茯苓去皮

甘草炙

藿香葉

木香各壹兩

乾薑貳兩

右為衆末每服三錢水一盞煎至七分去滓溫服
不計時候

小柴胡湯

治傷寒溫熱病身熱惡風頸項強急胃膈脇痛嘔
噦煩渴寒熱往來身面皆黃小便不利大便秘硬
或過經未解或潮熱不除及瘥後勞復發熱頭痛
婦人傷風頭痛煩熱經血適斷寒熱如瘧發作有
時及產後傷風頭痛煩熱並宜服之

柴胡

黃芩

黃芩

人參

半夏

湯洗

甘草

各宜兩半

右爲末每服三錢水一盞半生薑五片棗子一箇拍破同煎七分去滓稍熱服不計時候小兒分作二服更量加減

升麻葛根湯

治大人小兒時氣溫疫頭痛發熱肢體煩熱瘡疥已發未發並宜服之

升麻

葛根

剉

甘草

炙

芍藥

半兩

右爲末每三錢水一盞半煎至一盞去滓稍熱服不拘日時進二三服以病氣去身涼爲度小兒量

力與之服

○濕土

葶藶木香散

治濕熱內外餘水腫脹小便赤澀大便滑泄

葶藶

茯苓去皮

猪苓去皮

白朮各壹兩

木香半錢

澤瀉

木通

甘草各半兩

桂壹分

滑石

右為細末每服三錢白湯調下食前此藥下水消腫脹止洩瀉利小便若小便不得通利而反轉泄者此乃濕熱痞閉極深而攻之不開是能反為注泄此正氣已衰多服此藥不可攻之而無益耳

白朮木香散

治喘嗽腫滿欲變成水病者不能卧不飲食小便
閉者

白朮

木猪苓

去皮

澤瀉

赤茯苓

已上各半兩

木香

陳皮

去白裏兩

賓郎

參分

官桂

貳錢

滑石

右為麤末每服五錢水一大盞生姜三片六分去

滓食前溫服

大橘皮湯

治濕熱內甚心腹脹滿水腫小便不利大便滑泄

橘皮

剉半

木香

壹分

滑石

貳兩

賓郎

叁錢

茯苓

皮 各半兩

木猪苓

去皮

澤瀉

白朮

官桂

各半兩

甘草

炙

右為末每服五錢水一盞生薑五片煎至六分去

滓溫服

桂苓白朮元

消痰逆止咳嗽散痞滿壅塞開堅結痛悶進飲食
調和臟腑無問寒濕熱嘔吐瀉痢皆能開發以令
遍身流濕潤燥氣液宣平而愈并解酒毒兼療肺
癆勞嗽水腫脹瀉泄不能止者服之利止為度後
以隨證調之

乾生薑

澤瀉

紅皮

湯去穢各半兩

右麵糊爲元小豆六每二三十元薑湯下日進三服病在膈上食後服下者食前服中病不拘時候或一法加黃連半兩黃柏二兩水取効甚妙

六一散

治身熱嘔吐泄瀉腸癖下痢赤白治癰閉淋痛利小便偏蕩胃中積聚寒熱益精氣通九竅六腑津液去留結消蓄水止渴利中除煩熱心燥治腹脹痛補益五臟大養脾胃腎之炁理內傷陰痿安魂定魄補五勞七傷一切虛損主病癰瘡驚悸健忘止煩滿短氣臟傷咳嗽飲食不下肌肉疼痛治口瘡牙齒疳蝕明耳目壯筋骨通血脉和血氣消水

穀保真元解百藥酒食和毒耐勞役飢渴寒熱逼
中外諸邪所傷久服強志輕身駐顏延壽及解暑
傷寒痠癘飢飽勞損憂愁思慮恚怒驚恐傳染并
汗後遺熱勞復諸疾并解兩感傷寒能令遍身結
滯宣通氣和而愈及婦人下乳催生并產後損液
血衰陰虛熱甚一切熱病並宜服之兼不患妨發
吹妳乳或已覺吹乳乳結頓服即愈乃神驗之僊
藥也惟孕婦人不可服

滑石

陸兩 陸兩 陸兩

甘草

陸兩 陸兩 陸兩

右爲細末三錢蜜少許溫水調下無蜜亦得日三
服或水調下亦得解痢發汗煎葱白豆豉湯調下

四錢并三四服以効爲度此藥寒涼解散熱鬱疫
病甚不鮮多服無害但有益耳

五苓散

治傷寒溫熱病在表裏未解頭痛發熱口燥咽乾
煩渴飲水或水入即吐小便不利及汗出表解
煩渴不止者宜服之及治霍亂吐痢煩渴引飲

澤瀉

車兩半

猪苓

赤茯苓

去皮

白朮

各兩半

官桂

壹兩去皮

右爲篩末每服三錢熱湯下惡熱欲冷飲者新水
調下或生姜湯下愈妙或加滑石二兩甚佳或喘
咳煩心不得安者加阿膠半兩及治痰熱在裏身

發黃痘濃煎茵陳蒿湯調下食前服痘病發渴及
中水引飲亦可新汲水調下小兒加白朮末少許
如發虛熱加黃耆人參末少許

赤茯苓元

治脾胃濕太過四肢腫滿腹脹喘逆氣不宣通小
便赤澀

苦葶藶

防已

赤茯苓

木香

半兩

右為細末棗肉元梧子大每服三十元桑白皮湯
食前下

人參葶藶元

治一切水腫及喘滿不可當者

人參去蘆 苦薺去蘆 鹽炒 附子炮

右為細末棗肉元梧子大每三十元煎桑白皮湯下

海藻散

治男子遍身虛腫喘滿悶不快者

海藻剉碎 川大黃 大戟並剉細

續隨子去殼已上各壹兩

右件好酒二盞淨瓶內浸一宿取出乾晒後用

甘遂麩炒黃色 白牽牛壹兩 滑石半兩 肉豆蔻壹兩

青皮去穢 橘皮去白已上各半兩

右為細末每服二錢如氣實者三錢平明冷茶清

調下至辰時取下水三三行腫減五七分隔二日平
明又一服腫消思盡魚肉一曰小兒腫服一錢五
歲已下者半錢孕婦勿服

○火

涼膈散

治傷寒表不解汗在裏下證未全下後燥熱怫結
于內心煩懊憹不得眠臟腑積熱煩渴頭昏唇焦
咽燥喉痺目赤頰硬口舌生瘡咳唾稠粘謔語狂
妄腸胃燥澀便秘結風熱壅滯瘡癰發斑驚風
熱極黑陷欲死者可服

連翹

壹兩

山梔子

大黃

薄荷葉

黃芩各半兩 甘草壹兩半 朴硝壹兩

加減法。○咽喉及涎嗽荆芥穗半兩桔梗壹兩。○咳而嘔者加半夏半兩每服生姜三片同煎。○血衄嘔血當歸芍藥各半兩生地黃壹兩。○淋者加滑石肆兩茯苓壹兩。○風眩頭痛加川芎半兩石膏參兩防風半兩。○酒毒加葛根壹兩。○斑疹加葛根壹兩荆芥穗半兩赤芍藥半兩川芎防風桔梗各半兩。

右爲末每服二錢至錢水一盞蜜少許同煎至七分去滓溫服虛實加減如前。○小兒可服七錢八錢或無熱甚黑陷腹滿喘急小便赤澀而將死者

此一服更加大承氣湯約下之得利者立差

黃連解毒湯

治傷寒雜病燥熱毒煩悶乾嘔口燥呻吟喘滿陽厥極深畜熱內甚俗妄傳于陰毒者及下之前後寒藥不退諸藥無驗并兩感證同

黃連

黃芩

黃芩

大梔子

各半兩

右如麻豆大每服半兩水一盞煎至四分去滓溫服或腹滿嘔吐或欲作痢者每服加半夏三箇生用厚朴二錢茯苓四錢去皮水一盞半生姜三片煎至半盞去滓溫服名曰黃連半夏解毒湯

三乙承氣湯

治傷寒雜病內外所傷日數遠近腹滿咽乾煩渴
譫妄心下按之硬痛小便赤澀大便結滯或濕熱
內而爲滑泄熱甚喘咳悶亂驚悸狂癲目病口瘡
舌腫喉痺癰瘍陽明胃熱發斑脉沉而可下小兒
熱極風驚潮搐昏塞并斑疹黑陷不退小便不通
腹滿欲死或斑疹後熱不退久不作痂或作斑癰
瘡癰久不已者怫熱內盛痲痺堅積黃瘦瘡疾久
新暴卒心痛風痰酒隔腸垢積滯久壅風熱暴傷
酒食煩心悶亂脉數沉實或腎水陰虛陽熱暴甚
而僵仆卒中一切暴音不語畜熱內甚陽厥極深
脉反沉細欲絕或表之冲和正氣與邪氣并之于

裏則裏熱亢極佯陰反爲寒戰脉微而絕或風燥甚客于下焦而大小便澀滯不通者或產後死胎不下或兩感表裏熱甚瀕可下

大黃

芒硝

枳實

枳殼各半兩

甘草壹兩

右剉如麻豆大分一半水一盞半姜三片煎六分下硝一二沸去滓熱服以利爲度熱甚者作一服得利爲効也臨時消息

八正散

治大人小兒心經邪熱一切蘊毒咽乾口燥大渴引飲心忪面熱煩燥不寧目赤睛痛唇焦鼻衄口

舌生瘡咽喉腫痛又治小便赤澀或癰閉不通及熱淋血淋並宜服之

大黃

熟蒸切去麴

瞿麥

木通

扁竹

車前子

山施

甘草炙

滑石已上各差

右爲散每服二錢水一盞燈心些子煎至七分去滓溫服食後臨臥小兒量力與之

洗心散

治風壅壯熱頭目昏痛肩背拘急肢節煩痛熱氣上衝口苦唇焦咽喉腫痛痰涎壅滯涕唾稠粘心神煩燥眼澁睛疼及寒壅不調鼻塞聲重咽乾多渴五心煩熱小便赤澀大便秘硬宜服

大黃

與最燥
脾胃

甘草

炙

當歸

去苗洗

為藥

麻黃

不去節

荆芥穗

各半

白朮

參錢半

右為細末每服二錢水一盞生薑薄切各少許同煎至七分去滓溫服如小兒麩豆瘡疹欲發先狂語多渴及驚風積熱可服一錢並臨臥服如大人五臟壅實欲要澹轉加至四五錢乘熱服之調胃承氣湯

治胃中熱實而下滿一切胃經實熱皆可服之

甘草

炙半兩

芒硝

半兩

大黃

半兩

內經曰熱淫于內治以鹹寒佐以苦甘芒硝鹹寒以除熱大黃苦寒以瀉實甘草甘平以助二物堆

陰經藥方

右件劉如麻豆大水一盞煮二味至七分去滓內硝更上火煎一二沸服之

大承氣湯

治痞滿燥實地道不通

大黃

苦寒酒浸

厚朴

半斤苦溫薑製

芒硝

鹹寒三合

枳殼

伍箇苦熱炒

內經曰燥淫于內所勝以苦下之大黃枳實之苦以除燥熱又曰燥淫于內治以苦溫厚朴之苦下結燥又曰熱淫所勝治以鹹寒芒硝之鹹以攻鬱蘊結

右四味以水五升先煮二味取三升去滓內大黃

取二升去滓入芒硝更上火微煎一二沸分溫再服得下勿服餘者方內去硝即小兒氣湯也治證同柴胡飲子

解一切肌熱蒸熱積熱或寒熱來畜熱或寒戰及傷寒發汗不解或不經發汗傳受表裏俱熱口乾煩渴或表熱入裏下證未全下後熱未愈及汗後餘熱勞復或婦人經病不快產後但有如此之證並宜之乃氣分熱也

柴胡

人參

黃芩

甘草炙

大黃

當歸

芍藥

各半兩

右爲歲末每服四錢水一盞薑三片煎至六分去

碎溫服小兒分三服服無時日三服除病為度藥
甚加服

白虎湯

方見前熱暑內此方甘草半兩

桃仁承氣湯

治熱結膀胱其人如狂熱在下焦與血相搏血下則
熱隨血出而愈

芒硝

壹兩

甘草

貳兩

大黃

叁兩

桃仁

伍拾箇去
皮尖

桂

貳兩去皮

甘以緩之辛以散之小腹急結緩以桃仁之甘下
焦畜血散以桂枝之辛大熱之氣寒以收之熱甚

搏血加三物于調胃承氣湯中也

右五味以水七升煮取二升半去滓內芒硝再煎一二沸溫服五合三服當微利

神芎元

治一切熱證常服保養除痰消酒食清頭目利咽
膈能令遍身結滯宣通氣利而愈神強體健耐傷
省病并婦人經病及產後血滯腰脚重痛小兒積
熱驚風潮搐藏用元亦曰顯仁元加黃連川芎薄
芎各半兩名曰神芎元

大黃

黃芩各二兩

牽牛

滑石各肆兩

右爲末滴水元如小豆大或煉蜜元亦妙每服十

五元加至五七十元溫水下冷水亦得

○燥金

脾約元

約者結約象又曰約束之約也內經曰入于胃游
溢精氣上輸于脾脾氣散精上歸于肺通調水道
下輸膀胱水經四布五經並行其津液者脾氣結
約束精液不得四布五經但輸膀胱致小便數大
便硬故曰其脾爲約麻仁味甘平杏仁味甘溫
內經曰脾欲緩急食甘以緩之麻仁杏仁潤物也
本草曰潤可以去枯腸燥必以甘潤之物爲主是
以麻仁爲君杏仁爲臣枳殼味苦寒厚朴味苦溫

潤燥者必以甘甘以潤之破結者必以苦苦以泄之枳實厚朴為佐以散脾之約芍藥味酸微寒大黃味苦寒酸苦湧泄為陰芍藥大黃為使以下脾之結燥潤結化津液還入胃中則大便利小便數而愈

麻仁

貳升

赤芍藥

半斤

枳實

半斤

大黃

壹斤

厚朴

壹斤炙去皮

杏仁

湯去皮尖研如泥壹斤

右六味為極細末蜜為元梧子大米飲下十元日進三服漸加以利為度

潤腸元

治脾胃伏火大便秘或乾燥秘澁不通全不思食

及風結秘血結秘皆今閉塞也以潤風燥和血疎風自通利矣

麻仁

半升

桃仁

湯浸去皮
大半兩

羌活

半兩

當歸

半兩

大黃

半兩煨

右除桃仁麻仁別研如泥余藥細研煉蜜元梧子大每服五十元至百元空心白湯下。如大便不通而澁滋其榮盛者急加酒洗大黃以利之。如血澁而大便燥者加桃仁酒洗大黃。如風結燥大便不行加桃仁大黃。如風澁大便不行者加皂角仁大黃秦艽以利之。如肢澁覺身有氣澁而大便不通者加郁李仁大黃以除氣澁

當歸潤燥湯

升麻

壹兩

當歸

壹錢

生地黄

貳錢

甘草

壹錢生

熟地黄

壹錢

大黃

壹錢煨

桃仁

壹錢研

麻仁

壹錢

紅花

半錢

右麻仁桃仁令研如泥餘剉麻豆大作一服水二
盞入桃麻仁煎至一盞去滓空心宿食消盡稍熱服
橘杏元

治氣閉老人虛弱人皆可服

橘紅

為主

杏仁

湯浸去皮尖

右二味等分煉蜜元梧子大每七十元空心米飲下
七宣元

瘰癧風氣治結聚宿食不消兼砂石皮毛在腹中及
積年腰脚疼痛冷如冰石脚氣衝心煩頭如暗倒
肩背重悶心腹脹滿胃膈閉塞風毒腫氣連及頭
面大便或秘小便時澀脾胃氣痞不能飲食脚轉
筋攣魚痛心神恍惚眠臥不安一切等疾

柴胡

去苗五兩

桃仁

去皮尖陸兩

枳實

炒五兩

甘草

肆兩炙

呵子皮

仁兩

木香

伍兩

大黃

起裏煨拾伍兩

右爲細末煉蜜元梧子大每二十元食前臨臥各
米飲下一服加至四五十元宜利爲度覺病勢退
服五補元不問男女老幼盡可服之量與亦減

蘇仁元

順三焦和五臟滯腸胃除風氣及治風熱壅結津
液耗少令大便秘澁不通高年及有風人大便秘
重服之

枳實

起心重
兩半

白廩郎

重兩
半

菴活

去苗重兩
半

兔絲子

酒浸剉
末重兩半

山茱萸

重兩
半

郁李仁

去皮重
兩半

山藟

重兩半

防風

重兩半

車前子

重兩
半

肉桂

重兩
半

木香

重兩
半

大黃

重兩半

麻仁

別研碎兩

右為細末煉蜜元如梧子每十五元至二十元臨

臥溫水下

神功元

治三焦氣壅心腹痞悶六腑風熱大便秘不通腫

疼痛肩背重悶頭昏目熱口苦咽乾心胃煩燥脚
臥不安及治脾氣并素有風大便秘結燥

大黃熟地兩 麻仁別研如泥 人參去蘆貳兩 訶子皮肆兩

右一處研煉蜜元如梧子三十元溫水下酒亦得
食後臨臥如大便不通倍服利為度

厚朴湯

凡治臟腑之秘不可一例治療有虛秘有實秘有
胃實而秘者能飲食小便赤當以麻仁元七宣丸
之類主之胃虛而秘者不能飲食小便清利厚朴
湯主之

厚朴薑製叁兩 白朮伍兩 半夏洗兩湯 枳實炒貳兩

陳皮

去白卷兩

右爲簾末每服三錢水盞半姜三片棗二箇煎至一盞去滓大溫服空心食前胃實秘物也胃虛秘氣也

七聖元

治風氣壅盛痰熱結搏頭目昏重涕唾稠粘心煩面熱咽乾口燥精神不爽夜臥不安肩背拘急胃膈痞悶腹脹脇滿腰腿重疼大便秘澀小便赤澀宜服之

川芎

半兩

肉桂

半兩

木香

半兩

大黃

半兩酒浸

郁李仁

去皮

羌活

壹兩

賓郎

半兩

右煉蜜元梧子大每十五元至二十元溫水下食
後臨臥嵐瘴地最宜服之更量臟腑虛實加減
犀角元

治三焦邪熱一切風炁及治風盛痰實頭目昏重
肢體拘急痰涎壅塞腸胃燥澁大小便難

黃連

壹兩

犀角末

壹兩

人參

去蘆葉
兩

大黃

捌兩

黑牽牛

貳拾兩

右與黑牽牛和合入細末煉蜜元梧子大每服十
五元至二十元臥時溫水服更量虛實加減

○寒水

已寒元

治大寒積冷臟腑虛弱心腹疼痛胃脇脹滿泄瀉
腸鳴下痢自汗米穀不化陽氣暴衰陰氣獨勝手
足厥冷傷寒陰勝神昏脉短四肢怠惰並宜服之
乾薑陸兩 良薑陸兩 桂肆兩 苾撥肆兩
右水糊元梧子大每二十元米飲湯食前下

四逆湯

治陰證傷寒自利不渴嘔噦不止吐利俱作小便
澀或利脉微欲絕腹痛脹滿手足厥冷或悸內寒
外熱下利清穀四肢沉重或汗出不止並宜服之
此藥助陽救衰

甘草

壹兩

乾薑

叁分

熟附子

叁分

右改咀金瓶四錢水一盞半煎至六分去滓溫服不拘時候

附子理中湯丸

治脾胃冷弱心腹絞痛嘔吐泄痢轉筋霍亂體冷微汗手足厥寒心下逆滿腹中雷鳴嘔吐不止飲食不進及一切沉寒固冷並宜服之

人參

白朮

乾姜炮

甘草炙

附子

炮去皮臍各減兩

右煉蜜元每兩作十元每一元水一盞拍破煎至七分稍熱服之空心食前

樹理中元

治脾胃虛寒氣不通宣咳嗽喘急逆氣虛痞胃脹噎悶腹脹滿痛迫塞短氣不能飲食嘔吐痰水不止

胡椒

草撥

乾薑炮

欒花

甘草炙

陳皮

良薑

細辛

去苗已上各兩

白朮

伍兩

右細末煉蜜元梧子大每五元至七元溫酒湯下不拘時日進二服

理中元

治中焦不和脾胃宿冷心下虛痞腹疼痛胃脘逆冷痰飲食不下噫氣吞酸口苦失味怠倦睡卧不思飲食及腸鳴自利米穀不化

白朮

乾薑炮

人參去蘊

甘草炙

右煉蜜元梧子大每三十元至五六十元空心沸湯下為麋末煎服理中湯也味數相同

鐵刷湯

治積寒痰飲嘔吐不止胃膈不快飲食不下並宜服之

半夏

湯洗

草薢冠

丁香

乾薑炮

附子皮各半

生薑一兩

右咬咀水五盞煎至二盞半去滓分三服相繼不拘時大吐不止加附子參錢生薑半兩

附元

治風邪冷氣入乘心絡或臟腑暴感風寒上乘于心令人卒然心痛或引背脊甚則經久不差

川烏頭炮去虎三兩

附子炮三兩

乾薑炮二兩

赤石脂二兩

桂

去盡皮二兩

蜀椒

去目微炒

右蜜元如梧子每三十元溫水下嚥至痛處即止若不止加至五十元以知為度若早朝服無所覺至午後再二十元若久心痛每服三十元至五十元盡一劑終身不發

薑附湯

治五臟中寒或卒然暈悶手足厥冷

乾薑炮

附子

炮去皮臍

甘草

炙棗半兩

右吹咀每服四錢水盞半生薑五片煎至七分去
滓食前溫服挾風不仁加防風半兩兼濕腫痛加
白朮半兩筋脈攣急加木瓜半兩肢節疼加桂心
半兩

加減白通湯

治形寒飲冷大便自利完穀不化臍腹冷痛足經
寒逆處方云寒淫于內治以辛熱濕淫于內平以
苦熱以苦發之以附子大辛熱助陽退陰溫經散
寒故以爲君乾薑官桂辛甘大熱亦除寒濕白朮
牛夏苦辛溫而燥脾濕故爲臣草薤薤炙甘草人
參甘辛大溫溫中益氣生薑辛大溫能散諸濕之

和葱白辛溫以通上焦陽氣故以為佐又云補下
治下製以急急則氣味厚故大作湯劑投之不數
服而止痛減足胛 漸溫調飲食數服平復

附子

炮去皮臍壹兩

乾薑

炮壹兩

官桂

伍錢

白朮

伍錢

草薢

伍錢 麴暴燥

甘草

伍錢炙

人參

伍錢

半夏

湯洗次伍錢

右咬咀每兩水二盞半生薑五片葱白五莖煎至
一盞三分去滓空心服

二薑元

治痢冷

良薑

乾薑

炮各叁兩

木附湯

右細末酒糊元梧子大每三十元空心米飲下

治沉寒痼冷

黑附子

炮壹兩

白朮

壹兩半

甘草

炙錢半炙

右爲細末每三五錢水盞半薑五片棗二箇擘破煎至一盞去滓食後溫服

醫學啓源卷下

氣味厚薄寒熱陰陽升降之圖

生陰至夏
 生陽至冬
 生陰至夏
 生陽至冬
 生陰至夏
 生陽至冬
 生陰至夏
 生陽至冬

調胃之甘
 調胃之甘
 調胃之甘
 調胃之甘
 調胃之甘
 調胃之甘
 調胃之甘
 調胃之甘

經曰

味為陰

味厚為純陰

味薄為陰中之陽

氣為陽

氣厚為純陽

氣薄為陽中之陰

又曰

味厚則泄 味薄則通

氣厚則發熱

氣薄則發泄

又曰

辛甘發散為陽

酸苦湧泄為陰

鹹味湧泄為陰

淡味滲泄為陽

○升降者天地之氣交

茯苓淡為在天之陽陽也陽當上行何謂利水而泄下

經云氣之薄者陽中之陰所以茯苓利水

而泄下亦不離乎陽之體故入手太陽也

麻黃苦爲地之陰陰也陰當下行何謂發汗而升上經曰味之薄者陰中之陽所以麻黃發汗而升上亦不離乎陰之體故入手太陰也

附子氣之厚者乃陽中之陽故經云發熱大黃味之厚者乃陰中之陰故經云泄下

竹淡

爲陽中之陰所以利小便也

茶苦

爲陰中之陽所以清頭目也

清陽發腠理清之清者也

清陽實四支清之濁者也

濁陰歸六腑濁之濁者也

濁陰走五臟濁之清者也

○藥性要旨

苦藥平升 微寒平亦升 甘辛藥平肺 甘寒瀉火
苦寒瀉濕熱 甘苦寒瀉血熱

○用藥升降浮沉補瀉法

肝膽

味辛補酸瀉 氣溫補涼瀉

註云肝膽之經前後寒熱不同逆順互換入求真法

心小腸

味鹹補甘瀉 氣熱補寒瀉 三焦命門

補瀉同

脾胃

味甘補苦瀉 氣溫熱補寒涼瀉

註云各從其宜逆順互換入求真法

肺大腸

味酸補辛瀉

氣涼補溫瀉

腎膀胱

味苦補鹹瀉

氣寒補熱瀉

五臟更相平也一臟不平所勝平之此之謂也故云安穀曰昌絕穀則亡水去則榮散穀消則衛亡神無所居又仲景云水入於經其血乃成穀入於胃脈乃大行故血不可不養衛不可不溫血溫衛和榮衛將行常有天命

○藏氣法時補瀉法

肝苦急急食甘以緩之甘草

心苦緩急食酸以收之五味子

脾苦濕急食苦以燥之白朮

肺苦氣上逆急食苦以泄之黃芩

腎苦燥急食辛以潤之知母黃柏

註云開腠理致津液通氣也

肝欲散急食辛以散之川芎。以辛補之細辛以酸
瀉之白芍藥

心欲軟急食酸以軟之芒硝。以酸補之澤瀉以甘
瀉之黃耆甘草人參

脾欲緩急食甘以緩之甘草。以甘補之人參以苦
瀉之黃連

肺欲收急食酸以收之白芍藥。以酸補之五味子
以辛瀉之桑白皮

腎欲堅急食苦以堅之知母。以苦補之黃柏以鹹
瀉之澤瀉

註云此五者有酸辛甘苦鹹各有所利或散或收
或緩或軟或堅四時五藏病隨五味所宜也

○治法綱要

氣交變論五運太過不及夫五運之政猶權衡也高
者抑之下者舉之化者應之變者復之此生長化收
藏之理氣之常也失常則天地四塞矣

註云失常之理則天地四時之氣無所運行故動
必有靜勝必有復乃天地陰陽之道也以熱治熱
法經云病氣熱甚而與寒藥交爭而寒藥難下故

反熱服順其病勢熱體既去乃發病熱除愈
則如承氣湯寒藥反熱服之者是也病寒亦同法
也凡治病者必求所在病在上者治上病在下者
治下故中外藏府經絡皆然病氣熱則除其熱病
寒則退其寒六氣同法瀉實補虛除邪養正平則
守常醫之道也

大法曰前人方法即當時對證之藥也後人用之
當體指下脉氣從而加減否則不効予非鄙乎前
人而自用也蓋五行相制相兼生化制承之體一
時之間變亂無常驗脉取方亦前人之例也歟後
通乎理者以予言爲鑑

○用藥用方詳

如仲景治表虛制桂枝湯方桂枝味辛熱發散助陽
體輕本乎天者親上故桂枝爲君芍藥甘草佐之陽
脈瀼陰脈弦法當腹中急痛制小建中湯方芍藥爲
君官桂甘草佐之一則治其表虛一則治裏虛是各
言其主用也後人之用古方者觸類而長之則知其
本而不致差誤矣

○去府藏之火

東連瀉心火○黃芩瀉肺火○白芍藥瀉脾火○知
母瀉腎經火○木通瀉小腸火○黃芩瀉大腸火○
石膏瀉胃火○柴胡瀉三焦火黃芩佐之○柴胡瀉

肝經火瀕用黃連佐之膽經亦然。黃柏瀉膀胱火

文曰龍火膀胱水府之火故也。已上諸藥瀉各經之火不惟止能如此更有治病合為君臣處詳其宜而用之不可執而言也

○各經引用

大陽經羌活在下者黃柏小腸膀胱也

少陽經柴胡在下者青皮膽三焦也

陽明經升麻白芷在下者胃大腸也

太陰白芍藥脾肺也

少陰經知母心腎也

厥陰經青皮在上柴胡肝膽包絡也

已上十二經之的藥也

○五味所用

苦以泄之。甘以發之及緩之詳其所用。酸以收之。辛以散之。鹹以軟之。淡以滲泄之。

○用藥各定分兩

爲君者最多臣次之佐又次之藥之所主停者各等分用

○藥性生熟法

黃芩黃連知母黃栢病在頭面及手稍皮膚者須酒炒之藉酒力上升也咽之下臍之上酒洗之在下者生用九熟升生降大黃須煨恐寒傷胃氣至於烏頭

附子炮去毒也用藥酒洗曝乾黃柏知母等寒藥也
久弱之人須合用之者酒浸曝乾恐寒傷胃氣也熟
地黃酒洗亦然當歸酒浸助發散之用

○藥用根梢法

凡根在土者中半已上氣脉上行以生苗者爲根中
半已下氣脉下行入土爲梢當知病在中焦用身上
焦用根下焦用梢經云根升梢降

○五臟六腑相生相剋爲夫妻子母

肺爲金(肝)木(腎)水(心)火(脾)土生我者爲父母我生爲
子孫剋我爲鬼賊爲夫我剋爲妻財

○相生

水生火火生土土生金金生水水生木

○相剋

木剋土云云假令木生火木乃火之父母火乃木之子孫木剋土木乃土之夫土乃木之妻也餘皆倣此

○七神

心藏神 肺藏魄 肝藏魂 脾藏意與智

腎藏精與志

○製方法

夫藥有寒熱溫涼之性有酸苦辛鹹甘淡之味各有所能不可不通矣夫藥之氣味不必同氣之物味皆鹹其氣皆寒之類是也凡同氣之物必有諸味同味

之物必有諸氣互相氣味各有厚薄性用不等製者
者必且明其用矣經曰味爲陰厚爲純陰薄爲陰中
之陽氣爲陽厚爲純陽薄爲陽中之陰然味厚則泄
味薄則通氣厚則發熱氣薄則發泄又曰辛甘發散
爲陽酸苦湧泄爲陰鹹味湧泄爲陰淡味滲泄爲陽
九此之味各有所能然辛能散結潤燥苦能燥濕堅
軟鹹能軟其堅酸則能收緩收散甘能緩急淡能利
竅故經曰肝苦急急食甘以緩之心苦緩急食酸以
收之脾苦濕急食苦以燥之肺苦氣上逆急食苦以
泄之開腠理致津液通氣血也肝欲散急食辛以散
之以辛補之以酸泄之心欲軟急食鹹以軟之以鹹

補之甘瀉之脾欲緩急食甘以緩之以甘補之以苦
泄之肺欲收急食酸以收之以酸補之以辛瀉之腎
欲堅急食苦以堅之以苦補之以鹹瀉之凡此者是
明其味之用也若用其味必明其味之可否若用其
氣必明其氣之所宜識其病之標本臟腑寒熱虛實
微甚緩急而用其藥之氣味隨其證而製其方也是
故方用君臣佐使輕重緩急大小反正逆從之製也
主治病者爲君佐君者爲臣應臣者爲使此隨病之
所宜而又贊成方而用之君一臣二奇之製也君二
臣四耦之製也去咽嗌近者奇之遠者耦之汗者不
奇下者不耦補上治上製以緩緩則氣味薄補下治

下製以急急則氣味厚薄則少服而頻食厚者多服而頓食又當明五氣之鬱鬱木鬱達之謂吐令調達也火鬱發之謂汗令疎散也土鬱奪之謂下無壅滯也金鬱泄之謂解表利小便也水鬱折之謂折其衝逆也凡此五者治病之大要也

○ 㖔咀藥類

古之用藥治病擇淨口嚼水煮服之謂之㖔咀後人鋤細劉桶內劉過以竹篩齊之藥有氣味厚薄升降浮沉補瀉及主治之法各各不同今詳錄之及揀擇製度修合之法具列于后

○ 風升生

味之薄者陰中之陽 味薄則通 酸苦醎平是也

防風氣溫味辛療通用瀉肺實散頭目滯氣除上焦風邪之僣藥也悞服瀉人上焦元氣主治秘要云味甘純陽太陽經本藥身上去上風梢去下風又云氣味俱薄浮而升陽也其用主治諸風及去溫也去蘆又服剉碎用

升麻氣平味微苦此足陽明胃足太陰脾引經藥也若補其脾胃非此爲引用不能補若得葱白香白芷之類亦能 手陽明太陰能解肌肉間熱此手足陽明傷風之的藥也主治秘要云性溫味辛氣

味俱薄浮而升陽也其用有四手足陽明引經一也升陽于至陰之下二也陽明分頭痛三也去風邪皮膚及至高之上四也又云甘苦陽中之陰脾痺非升麻不能除刮去黑皮腐爛裏白者佳

羌活氣微溫味苦甘治肢節疼痛手足太陽風藥也加川芎治太陽少陰頭痛透關利節主治秘訣云性溫味辛氣味俱薄浮而升陽也其用有五手足太陽引經一也風濕相兼二也去支節疼三也除癰疽敗血四也風濕頭痛五也去黑皮并腐爛剉用

紫胡氣味平微苦除虛勞煩熱解散肌熱去

熱此少陽厥陰引經藥也婦人產前產後必用之藥也善除本經頭痛此藥不能止治心下痞胃膈中痛主治秘訣云味微苦性平微寒氣俱輕陽也升也少陽經分藥引胃氣上升以發散表熱又云苦爲純陽去寒熱往來膽痺非柴胡梢不能除去蘆用

葛根氣平味甘除胃脾虛熱而渴又能解酒之毒通引入陽明之經主治秘訣云味甘性寒陽也益陽生津不可多用恐損胃氣又云止渴升陽也去皮用

葳靈仙氣味溫主諸風濕冷宣通五臟腹內癥滯腰

膝冷痛及治損傷主治秘訣云味甘純陽去大腸
之風鐵脚者佳去蘆用茸

細辛氣溫味大辛治少陰頭痛如神當少用之獨活
爲之使爲主。主治秘訣云味辛溫性氣厚於味
陽也止諸陽頭痛諸風通用之辛熱溫陰之經散
水寒治內寒又云味辛純陽頭痛去蘆并葉華山
者佳

獨活氣微溫味甘苦平足少陰腎引經藥也若與細
辛同用治少陰經頭痛一名獨搖草得風不搖無
風自動主治秘要云味辛而苦性溫氣味薄而升
治風須用及能燥濕經云風能勝濕又云苦頭眩

目運非此不能除去皮淨用

香白芷氣溫味大辛治手陽明頭痛中寒熱解利藥也
以四味并麻湯中加之通行手足陽明經主治
秘要云味辛性溫氣味俱輕陽也陽明引經之藥
治頭痛及療風通用去肺經風又云苦辛陽明本
藥去遠碎用

桔梗氣微溫味辛苦治肺利咽痛利肺中氣主治
訣云味辛而苦性微溫味厚氣輕陽中陰也肺經
之藥也利咽喉膈治氣以其色白故屬於肺此
用色之法也乃散寒嘔若咽中痛非此不能除又
云辛苦陽中之陽謂之舟楫諸藥中有此一味不

能下沉治鼻塞去蘆米泔浸一宿用

鼠粘子氣平味辛主風毒腫消利咽膈吞一枚可出
瘡疽頭主治秘訣云辛溫潤肺散氣搗細用之
藁本氣溫味大辛此太陽經風藥治寒氣鬱結於本
經治頭痛腦痛大寒犯腦痛齒亦痛主治秘要云
味苦性微氣厚味薄陽也降也太陽頭痛必用之
藥又云辛苦純陽本經藥也頂巔痛非此不除
芎藭氣溫味辛補血治血虛頭痛之聖藥也妊婦胎
動加當歸二味各二錢水二盞煎一盞服神効主
治秘訣云性溫味辛苦氣厚味薄浮而升陽也其
用有四少陽引經一也諸頭痛二也助清陽之氣

三也濕氣在頭四也又云味純陽少陽經本藥搗
細用

蔓荊子氣清味辛溫治太陽頭痛頭沉昏悶除昏暗
散風邪之藥也胃虛人不可服恐生痰疾主治秘
要云苦甘陽中之陰涼諸經之血熱主頭痛除頭
昏暗揀淨用

秦艽氣微寒味苦主寒熱邪氣寒濕風痺下水利小
便療病骨蒸治口禁及腸風瀉白主治秘訣云性
平味鹹養血榮筋中風手足不遂者用之又云
陰微陽去手陽明下牙痛瘡毒以去本經風濕揀
淨用

天麻氣平味苦治頭風諸風濕痺四肢拘急小兒驚
癇風氣利腰膝強利筋力主治秘訣云其苗謂之
定風草

麻黃氣溫味苦發太陽太陰經汗主治秘訣云性溫
味甘辛氣味俱薄體輕清而浮升也其用有四去
寒邪一也肺經二也發散風寒三也去皮膚之寒
濕及風四也又云苦純陽去榮中寒去根不剉細
微搗碎煮三二沸掠去上沫不然令人心煩

荊芥氣溫味辛苦辟邪毒利血脈宣通五臟不足主
治秘訣云氣能發汗除勞冷搗和醋封毒腫去枝
莖以手搓碎用

薄苛氣溫味辛若能發汗通關節解勞乏與薤相宜
新病人不可多食令人虛汗不止主治秘訣云性
涼辛氣味俱薄浮而升陽也去高巔及皮膚風熱
去枝莖黃葉碎用

前胡氣微寒味苦主痰滿脅脇中痞心腹弦氣治傷
寒熱實推陳致新明目益精剉用

○熱浮長

氣之厚者陽中之陰 氣厚則發熱 辛甘溫
熱是也

黑附子氣熱味大辛其性走而不守亦能除腎中寒
甚白朮爲佐謂之朮附湯除寒濕之藥溫藥中少

加之通引諸經引用藥也及治經閉主治秘訣云
辛純陽治脾中大寒又云性大熱味辛甘氣味薄
輕重得宜可升可降陽也其用有三去臟腑沉寒
一也補助陽氣不足二也溫煖脾胃三也然不可
用慢火炮制用

乾薑氣熱味大辛治沉寒痼冷腎中無陽脉氣欲絕
黑附子爲引用水同煎二物姜附湯是也治中焦
有寒主治秘訣云性熱味辛氣味俱厚半沉半浮
可升可降陽中陰也其用有四通心氣助陽一也
去臟腑沉寒二也發諸經之寒氣三也感寒腹痛
四也又云辛溫純陽內經云寒淫所勝以辛散之

此之謂也水洗慢火煮製到用

乾生薑氣溫味辛主傷寒頭痛鼻塞上氣止嘔吐治咳嗽生與乾同治半夏等分治心下急痛到用

川烏頭氣熱味大辛療風痺半身不遂引經藥也主治秘訣云性熱味辛甘氣厚味薄浮而升陽也其用有六除寒疾一也去心下堅痞二也溫養臟腑三也治諸風四也破聚滯氣五也感寒腹痛六也先以慢火炮裂去皮碎用

良薑氣熱味辛主胃冷霍亂腹痛反胃吐食轉筋止痢下氣消食主治秘訣云純陽建脾胃碎用

肉桂氣熱味大辛補下焦熱火不足治沉寒痼冷之

病及表虛自汗春夏二時爲禁藥也主治秘訣云
苦純陽滲泄止渴又云甘辛陽太熱去榮衛中之
風寒去皺搗細用

桂枝氣熱味辛甘仲景治傷寒證發汗用桂枝者桂
條非身幹也取其輕薄而能發散今又有一種乃
桂枝嫩小枝條也尤宜入治上焦藥用也主治秘
訣云性溫味辛甘氣味俱薄體輕而上行浮而升
陽也其用有四去傷風頭痛一也開腠理二也解
表三也去皮膚濕四也

草薺氣熱味大辛治風寒客邪在於胃口之上善
去脾胃治霍寒令人心胃痛主治秘訣云辛陽益

脾胃去寒麴裏煨熟去麴皮搗細

丁香氣味辛溫脾胃止霍亂消痰癖氣脹反胃腹內
冷痛壯陽煖腰膝散酒毒主治秘訣云純陽去胃
寒

厚朴氣溫味辛能除腹脹若虛弱雖腹脹宜斟酌用
之寒脹是也大熱藥之兼用結者散之乃神藥也
誤服脫人元氣切禁之紫色者佳主治秘訣云性
寒味苦辛氣厚味厚體重濁而漸降陰中陽也其
用有三平胃一也去腹脹二也孕婦忌之三也云
陽中之陰去腹脹厚朴胃去麴皮姜汁製炒用
木香氣熱味辛苦陰肺中滯氣若療中下焦氣結滯

須用擴柳爲使主治秘訣云性寒味苦味氣俱厚
沉而降陰也其用調氣而已又曰辛純陽以和胃
氣廣州者佳

益智仁氣熱味大辛治脾胃中寒邪和中益氣治人
多唾當於補中藥內兼用之不可多服去皮搗用
白苣藎氣熱味大辛蕩散肺中氣滯主積冷氣寬腸
止吐逆反胃消穀下氣進飲食主治秘訣云性太
溫味辛氣味俱薄輕清而升陽也其用有五肺金
本藥一也散胃中滯氣二也感寒腹痛三也溫煖
脾胃四也赤眼暴發白睛紅者用之少許五也又
云辛純陽去太陽目內紅筋大臂去皮爲用

川椒氣溫味辛溫主邪氣溫中除寒痺堅齒髮明目
利五臟凡用須炒去汗又去含口者主治秘訣云
辛陽明目之劑手搓細用

吳茱萸氣熱味辛治寒在咽噎噎塞胃中經云膈咽
不通食不下食則嘔令人口開目瞪寒邪所結氣
不得上下此病不已令人寒中腹滿膨脹下利
寒氣諸藥不可代也主治秘訣云性熱味辛氣味
俱厚半浮半沉陰中陽也氣浮而味降其用四去
胃中陽一也止心痛二也感寒腹痛三也消宿酒爲
白茱萸之佐也又云辛陽中之陰溫中下氣洗去
苦味曬乾用

茴香氣平味苦破一切臭氣調中止嘔下食須炒黃色搗細用

玄胡氣溫味辛破血治氣婦人月事不調小腹痛甚溫煖腰膝破散癥瘕搗細用

縮砂仁氣溫味辛治脾胃氣結滯不散主虛勞冷感心腹痛下氣消食搗細用

紅藍花氣溫味辛主產後口噤血暈腹內惡血不盡絞痛破留血神驗

神麴煖消食治脾胃食不化須用於脾胃藥中少加之主治秘訣云辛陽益胃氣炒黃色用

○濕化成中方

戊濕其本氣平 其兼氣濕涼寒熱在人以醫
應之

己土其本味鹹 其兼味辛甘鹹苦在人以脾
應之

黃耆氣溫味甘平治虛勞自汗補肺氣實皮毛瀉肺
中火脉絃自汗善治脾胃虛弱瘡瘍血脉不行內
托陰陽瘡瘍必用之藥也主治秘訣云氣溫味甘
氣薄味厚可升可降陰中陽也其用有五補諸虛
不足一也益元氣二也去肌熱三也瘡瘍排膿止
痛四也壯脾胃五也又云甘純陽其益胃氣去諸
經之痛去蘆薈并麝剉用

人參氣溫味甘治脾胃陽氣不足及肺氣促短氣少
氣補中緩中瀉肺脾胃中火邪善治短氣非升麻
爲引用不能補上升之氣升麻一分人參三分可
爲相得也若補下焦元氣瀉腎中之火邪茯苓爲
之使甘草梢子生用爲君善去莖中痛或加苦練
酒煮玄胡爲主尤妙主治秘訣云性溫味苦氣味
俱薄浮而升陽也其用有三補元氣一也止渴二
也生津液三也肺虛忌之又云苦甘陽中之陰也
補胃嗽喘勿用短氣用之去蘆

甘草氣味甘生大涼火炙之則溫能補三焦元氣調
和諸藥相協共爲力而不爭性緩善解諸急故有

國老之稱主治秘訣云性寒味甘氣薄味厚可升
可降陰中陽也其用有五和中一也補陽氣二也
調諸藥三也能解其太過四也去寒邪五也腹脹
則忌之又云甘苦陽中陰也純陽養血補胃梢子
去腎莖之痛胃中積熱非梢子不能除去皮碎用
當歸氣溫味甘能和血補血尾破血身和血主治秘
訣云性溫味辛氣厚味薄可升可降陽也其用有
三心經藥一也和血二也治諸病在甚三也又
云甘辛陽中微陰身和血梢破血治上治外酒浸
洗糖黃色嚼之天辛可能潰堅與萆薢海藻相反
又云用溫水洗去土酒製過或焙或曬乾血病須

去蘆頭用

熟地黃氣寒味苦酒燉薰如烏金假酒力則微溫補
血虛不足虛損血衰之人須用善黑鬚髮者爲難
主治秘訣云性溫味苦甘氣薄味厚沉而降陰也
其用有五益腎水真陰一也和產後氣血二也去
臍腹急痛三也養陰退陽四也壯水之源五也又
云苦陰中之陽治外治上酒浸剉細用

半夏氣微寒味辛平治寒痰及形寒飲冷傷肺而欬
大和胃氣除胃寒進飲食治太陽痰厥頭痛非此
不能除主治秘訣云性涼味辛苦氣味薄沉而降
陽也其用有四燥胃濕一也化痰二也益脾胃之

氣三也消腫散結四也渴則忌之又云平陰中之陽除胃中痰涎湯洗七次乾用

白朮氣溫味甘能除濕益燥和中益氣利腰臍間血除胃中熱主治秘訣云性溫味微苦氣味俱薄浮而升陽也其用有九溫中一也去脾胃濕二也除脾胃熱三也強脾胃進飲食四也和胃生津液五也主肌熱六也四肢困倦目不欲開怠墮嗜臥不思飲食七也止渴八也安胎九也

蒼朮氣溫味甘主治與白朮同若除上濕發汗功最大若補中焦除濕力少主治秘訣云其用與白朮同但比之白朮氣重而體沉及脛足濕腫加白朮

泔浸刮去皮用

橘皮氣溫味微苦能益氣加青皮減半去滯氣推陳致新若補脾胃不去白若理胃中肺無去白主治秘訣云性寒味辛氣薄味厚降而升陽也其用有三去胃中寒邪一也破滯氣二也益脾胃三也其多及獨用則損之又云苦辛益氣利肺有甘草則補肺無則瀉肺

青皮氣溫味辛主氣滯消食破積結胸痞主治秘訣云性寒味苦氣味俱厚沉而降陰也其用有三散陰少陽之分有病用之一也破堅癖二也散滯氣三也去下焦諸濕四也左臂有積有炁五也

藿香氣微溫味甘辛療風水去惡氣治脾胃吐逆霍亂心痛主治秘訣云性溫味苦氣厚味薄浮而升陽也其用助胃氣又云甘苦純陽補胃氣益胃進飲食去枝莖用葉以手揉用

賓郎氣溫味辛治後重如神性如鐵石之沉重能墜諸藥至於下主治秘訣云性溫氣苦氣薄味厚沉而降陰中陽也其用破滯氣下行又曰辛純陽破滯氣泄胃中至高之氣

廣茂氣溫味苦平主心膈痛飲食不消破痃癖氣氣良火炮開用

京三稜氣平味苦主心膈痛飲食不消破老癖癥瘕

結塊婦人血脈不調心腹刺痛主治秘訣云苦陰中之陽破炁換真炁虛不用火炮裂用

阿膠氣微溫味甘平主心腹疼痛內崩補虛安胎堅筋骨和血脈益氣止痢主治秘訣云性平味淡氣味俱薄浮而升補肺不足慢火炮肥搓細用

訶子氣溫味苦主腹脹滿不下飲食消痰下氣通利津液破胃膈結氣治久痢赤白腸風去核搗細用
桃仁氣溫味甘苦治大便秘血結血秘血燥潤大便
七宣元中用之專療血結破血湯退去皮尖研如泥用

杏仁氣溫味甘苦除肺中燥治氣燥在於胃膈主治

秘訣云性寒味苦而甘氣薄味厚濁而沉降陰也
其用有三潤肺氣一也消宿食二也升滯氣三也
麩炒去皮火用

大麥蘖氣溫味鹹補脾胃虛寬腸胃搗細炒黃色取
麩用之

紫草氣寒味苦主心腹邪氣五疳補中益氣利九竅
通水道療腫脹滿去土用茸剉細用

蘇木氣平味甘鹹主破血產後血脹滿欲死者排膿
止痛消癰腫瘀血婦人月經不調及血運口噤主
治秘要云性涼味微辛發散表裏風氣又云甘鹹
陽中之陰破死血剉碎用

。燥降收

氣之薄者陽中之陰

氣薄則發泄

辛甘淡

平寒涼是也

茯苓氣平味甘能止渴利小便除濕益燥和中益氣
利腰臍間血爲主治小便不通溺黃或赤而不利
如小便利或數服之則大損人目如汗多人服之
損元氣天人壽醫云赤瀉白補上古無此說主治
秘訣云性溫味淡氣味俱薄浮而升陽也其用有
五止瀉一也利小便二也開腠理三也除虛熱四
也生津液五也刮皮搗細用

澤瀉氣平味甘除濕之聖藥也治小便淋瀝去陰間

汗無此疾服之令人目盲主治秘訣云味鹹性寒
氣味俱厚沉而降陰也其用有四入腎經一也去
舊水養新水二也利小便三也消腫瘰四也又云
鹹陰中微陽滲泄止渴搗碎用

猪苓氣平味甘大燥除濕此諸淡滲藥大燥土津液
無濕證勿服主治秘訣云性平氣味俱薄升而微
降其用與茯苓同又云甘苦經陽去心懊懷去黑
皮裏白者佳搗細

滑石氣寒味甘治前陰澀澀不利性沉重能泄氣上
令下行故曰滑和利氣不寒與淡滲同白者佳搗
細用也紅者服之令人淋

瞿麥氣寒味苦平主關脇痛癰結小便不通治癰腫
排膿明目去翳破胎墮胎下閉血逐膀胱邪熱主
治秘訣云陽中之陰利小便為君去枝用穗
車前子氣寒味甘主陰虛氣閉利水道通小便除濕
痺肝中風熱衝目赤痛搗細用

木通氣平味甘主小便不通導小腸中熱刮去鱗皮用
燈草通草氣平味甘通陰散澀石通利小水除水腫閉
治五淋主治秘訣云辛甘陽濕肺利小便剉細用
五味子氣溫味酸大益五臟氣五月常服五味子以
補五臟之氣過夏月季夏之間令人困乏力無氣
以動與黃耆人參麥門冬少加黃皮剉湯服之使

人精神神氣兩足加筋湧出生用也

白芍藥氣微寒味酸補中焦之藥炙甘草爲輔治腹
中痛如夏月腹痛少加黃芩若惡寒腹痛加肉桂
一分白芍藥二分炙甘草一分半此仲景神品藥
也如冬月大寒腹痛加桂一錢半水二盞煎至一
盞主治秘訣云性寒味酸氣厚味薄升而微降陽
中陰也其用有六安脾經一也治腹痛二也收胃
氣三也止瀉痢四也和血五也固腠理六也又云
酸苦陰中之陽白補赤散瀉甘補脾胃酒浸引經
止中部腹痛去皮用

桑白皮氣寒味苦酸主傷中五勞羸瘦補虛益氣除

肺氣止唾血熱渴消水腫利水道去皮用

天門冬氣寒味微苦保肺氣治血熱侵肺上喘氣促
加人參黃耆用之爲主如神主治秘訣云甘苦陽
中之陰湯浸晒乾去心用

麥門冬氣寒味微苦治肺中伏火脉氣欲絕加五味
子人參二味爲之主脉散補肺中元氣不足須用
之主治秘訣云甘陽中微陰引經酒浸治經枯乳
汁不下湯浸去心用

犀角氣寒味苦酸主傷寒溫疫頭痛安心神止渴煩
亂明目鎮驚治中風失音小兒疳豆風熱驚癇錢
末用

烏梅氣寒味酸主下氣除熱煩滿安心調中治痢止渴以鹽豉爲白梅亦入除痰藥去核用

牡丹皮氣寒味苦治腸胃積血及衄血吐血必用之藥是犀角地黃湯中一味也主治秘要云辛苦陰中之陽涼骨熱剉用

地骨皮氣寒味苦解骨蒸肌熱主消渴風濕痺堅筋骨主治秘訣云陰瀝血去骨用皮剉用

枳殼氣寒味苦治胃塞痞肺氣主治秘訣云性寒味苦氣厚味薄浮而升微降陰中陽也其用有四破心下堅痞一也利胃中氣二也化痰三也消食四也然不可多用又云苦酸陰中微陽也破氣麤

炒去雜用

琥珀氣平味甘安五臟定魂魄消瘀血通五淋主
秘訣云甘屬利小便清肺

連翹氣平味苦主寒熱瘰癧諸惡瘡腫除心中客熱
去胃虫通五淋主治秘訣云性涼微苦氣味俱薄
輕清浮升陽也其用有三瀉心經客熱一也上焦
諸熱二也瘡瘍須用三也手搓用

枳實氣寒味苦除寒熱破結實消痰癖治心下痞逆
氣脇痛主治秘訣云氣味升降與枳殼同其用有
五主心痞一也化心胃痰二也消食散敗血三也
破堅積四也

又云純陽去胃濕去穢麤炒用

○寒沉藏

味之厚者陰中之陰

味厚則泄

酸苦鹹寒是也

大黃氣寒味苦其性走而不守瀉實諸熱不通下大腸蕩滌腸胃中熱專治小大便秘訣云性寒味苦氣味俱厚沉而降陰也其用有四去實熱一也除下焦濕二也推陳致新三也消宿食四也用之須浸煨熱寒因熱用也又云苦純陰熱淫所勝以苦泄之酒浸入太陽酒洗入陽明余經不用片皮剉用

黃藥氣寒味苦治腎水膀胱不足諸痿厥腰無力
黃耆湯中少加用使兩足膝中氣力湧出痿痺
時去矣蜜炒此一味爲細末治口瘡如神癰瘰必
用藥也主治秘訣云性寒味苦氣味俱厚沉而陰
也其用有六瀉膀胱龍火一也利結小便二也下
焦濕腫三也痢疾先見血四也臍中痛五也補腎氣
不足壯骨髓六也二製則治上焦丹製則治中焦
不製則治下焦也又云苦厚微辛陰中之陽瀉膀胱
亦利竅去皮用

黃芩氣寒味微苦治肺中濕熱療上熱目中赤腫瘰
肉壅盛必用之藥泄肺中火邪上逆於膈上補肺

胱之寒水不足乃滋其化源主治秘訣云性涼味苦甘氣厚味薄浮而升陽中陰也其用有九瀉肺經熱一也夏月須用二也去諸熱三也上焦及皮膚風濕風熱四也婦人產後養陰退陽五也利胃中氣六也消膈痰七也除熱及解諸濕八也安胎九也單製二製不製分上中下也又云苦陰中微陽酒炒上行主上部積血非此不能除肺苦氣上逆急食苦以泄之正謂此也去皮剉用

黃連氣寒味苦瀉心火除脾胃中濕熱治煩惡心懨熱在中焦兀兀欲吐治心下痞滿仲景云九種心下痞瀉心湯皆用之主治秘訣云性寒味苦氣

微厚可升可降陰中陽也其用有五瀉心熱一
去上焦火二也諸瘡必用三也去風濕四也赤眼
暴發五也去鬚用

石膏氣寒味辛甘治陽明經中熱發熱惡熱躁熱日
晡潮熱自汗小便濁赤大渴引飲身體肌肉壯熱
苦頭痛之藥白虎湯是也善治本經頭痛若無此
證有余證醫者不識而誤用之有不可勝救也主
治秘訣云性寒味淡氣味俱薄體重而沉降陽也
乃陽明經大寒藥能寒胃令人不食非腹有極熱
者不可輕用又云辛甘陰中之陽也止陽明經痛
胃弱不可服下牙痛用香白芷發引搗細用

草龍膽氣寒味大苦治黃目赤腫睛脹肉高起疼
痛不可忍以柴胡爲主爲使治眼中疾必用藥也
主治秘訣云性寒味苦辛氣味極厚沉而降陰也
其用有四除下部風濕一也及濕熱二也臍以下
至足腫痛三也寒濕脚氣四也其用與防己同又
云苦純陰酒浸上行去蘆用

生地黄氣寒味苦涼血補血腎水真陰不足此藥大
寒宜斟酌用之恐損人胃氣主治秘訣云性寒味
苦氣薄味厚沉而降陰也其用有三涼血一也皮
膚燥二也去諸濕三也又云陰中微陽酒浸上行
知母氣寒味大辛治足陽明大熱大補益腎膀胱

寒主治秘要云性寒味苦氣味俱厚沉而降陰
其用有三瀉腎經火一也作利下便之佐使二也
痢疾臍下痛三也又云苦陰中微陽腎經本藥上
頭引經皆酒炒刮去毛裏白者佳

漢防已氣寒味太苦療胃已下至足濕熱腫盛脚氣
膀胱去留熱通引十二經主治秘訣云辛苦陰泄
濕氣去皮淨用

茵陳蒿氣寒味苦平除煩熱主風濕風熱邪氣熱結
黃疸通身發黃小便不利主治秘訣云苦甘陰中
微陽治傷寒發黃去枝莖用葉手搓用

朴硝氣寒味苦辛除寒熱邪氣六腑積聚結固血癖

胃中飲食熱結血閉去停痰痞滿消毒主治秘訣
云芒硝性寒味鹹氣薄味厚而沉降陰也其用有
三熱淫于內一也去腸中宿垢二也破堅積熱塊
三也婦人有孕忌之又云鹹寒純陰熱淫于內治
以鹹寒正謂此也

瓜蒌根氣寒味苦主消渴身熱煩滿大熱補虛安中
通月水消腫毒瘰血及熱狂癰毒主治秘訣云性
寒味苦陰也能解煩渴又云苦純陰心中枯渴非
此不能除

牡蠣氣寒味鹹平主傷寒熱溫瘧女子帶下赤白止
汗心痛氣結大小腸治心脇痞主治秘訣云鹹也

痞積燒白搗細用

玄參氣寒味苦治心懊懣煩而不得眠心神顛倒欲絕血滯小便不利

苦參氣寒味苦足少陰腎經之君藥也治本經須用主治秘訣云苦陰氣沉逐濕

川練子氣寒味苦平主傷寒大熱煩燥殺三虫疥瘍通利大小便之疾主治秘訣云入心止下部腹痛香豉氣寒味苦主傷寒頭痛煩躁滿悶生用之主治秘訣云苦陰去心懊懣

地榆氣微寒味甘酸主婦人乳產七傷帶下月經不止血崩之病除惡血止疼痛療腸風泄血小兒疳

痢性沉寒入下焦治熱血痢主治秘訣云性微寒
味微苦氣味俱薄其體沉而降陰中陽藥也專治
下焦血又云甘苦陽中微陰治下部 血去蘆用
施子性寒味苦氣薄味厚輕清上行氣浮而味降陽
中陰也其用有四心經客熱一也除煩燥二也去
上焦虛熱三也治風四也又云苦純陽止渴

○續添

芭荳性熱味苦氣薄味厚體重而沉降陰也其用有
三導氣消積一也去臟腑停寒二也消化寒涼及
生冷硬物物傷三也辛陽去胃中寒濕
白蘆薈味微辛氣味俱薄體輕而浮升陽也去皮

諸風

生薑性溫味辛甘氣味俱厚清浮而上升陽也其曰
有四也製厚朴半夏毒一也散風邪二也溫中去

濕三也作益脾胃之佐四也
杜仲性溫味辛甘氣味俱薄沉而降陰也其用壯筋
骨及足弱無力行

已上諸藥此大畧言之以爲製方之階也其
用有未盡者

蜀葵花冷陰中之陽赤治赤帶白治白帶

梧桐淚滅癰癰非此不能除

鬱金辛苦純陰涼心

款冬花辛甘純陽溫肺止嗽

香附子甘陽中之陰快氣

大戟苦甘陰中微陽瀉肺換真氣

白及苦甘陽中之陰止肺澀白欬同

甘遂甘純陽水結胃中非此不能除

蜀漆辛純陽破

射干苦陽中之陰去胃中癰瘡

天南星苦

御米穀酸澀固收上氣

胡蘆巴陰治元臟虛冷及腎虛冷

馬兜鈴苦陰中之陽主肺熱濕溫肺氣補肺

白附子陽溫主血痺引藥勢

槐花苦陰薄涼大腸熱

槐實苦酸同上

茯神陽療風眩風虛

沉香陽補腎

檀香陽主心腹霍亂中惡引胃氣上升進食

乳香陽補腎

金鈴子酸苦陰中之陽心暴痛非此不能除

即川楝子重出

竹葉苦陰中微陽涼心經

山茱萸酸陽中之陰溫肝

郁李仁苦辛陽中之陽破血潤燥

草薢薢辛陽益脾胃去寒

重出

紅花苦陰中之陰入心養血

即紅薢花

朱砂心熱非此不能除

赤石脂甘酸陰中之陽固脫

甘菊苦養目血

黃根陰中之陽去諸死血

王不留行甘苦陽中之陰妳子引導利

艾葉苦陰中之陽溫胃

礪砂咸破堅癖獨不用

夫木火土金水此製方相生相尅之法也

於醫者能之

風

制法肝春木酸生之道也失常則病矣

風淫於內

治以辛涼

佐以甘辛

以甘

以辛散之

暑

制法心夏火苦長之道也失常則病矣

熱淫於內

治以鹹寒

佐以甘苦

以酸收之

以苦散之

濕

制法脾土甘中方化生之道也失常則病矣

濕淫於內

治以苦熱

佐以鹹淡

以苦燥之

以淡泄之

燥

制法肺秋金辛收之道失常則病矣

燥淫於內

治以苦溫

佐以甘辛

以辛潤之

以苦下之

寒制法腎水賊冬藏之道也失常則病矣

寒淫于內治以甘熱佐以苦辛以辛散

之以苦堅之

註云酸苦甘辛賊即肝木心火脾土肺金腎水之本也四時之變五形化生各順其道違而病生聖人設法以制其變謂如風淫于內即是肝木失常火隨而熾治以辛涼是謂辛金剋其本源水沃其火其治法例皆如此下之二方非為治病設如教人比正立方之道容易通曉也

當歸拈痛方

治濕熱為病肢節煩痛背肩沉重胸膈不利遍
疼痛下注於脛腫痛不可忍經云濕淫于內治以
苦溫 羌活苦辛透關節 防風甘辛溫散

經絡中留濕故以為主水性潤下 升麻葛根

苦辛平味之薄者陰中之陽引而上行以苦發之
也 白朮苦甘溫和中除濕 蒼朮體輕浮

氣身雄壯能去皮膚間腠理濕故以為臣血壅而
不流則痛當歸身溫以散之使血氣各有所歸
人參甘草甘溫補脾養正氣使苦藥不能傷胃
仲景云濕熱相合肢痛煩痛苦參黃芩知母茵陳

苦參者乃苦而泄之也凡酒製藥以為因用治濕不利小便非治也猪苓甘溫平澤瀉鹹平淡以滲之又兼導其留飲故以為佐氣味香合上下分消其濕得以宣通

羌活半兩防風三各二味為主

升麻二各

葛根二各白朮一各半蒼朮三各四味為臣當歸身三各

人參二各甘草五各苦參二各酒浸黃芩二各炒

知母三各酒洗茵陳五各酒浸猪苓三各澤瀉三各

右剉如麻豆大每服一兩重水二盞半先以水拌濕候少時煎一盞去粗溫服待少時美膳壓之天麻半夏湯

治風痰內作胸膈欠利頭旋目黑兀欲吐
下寒不得安卧遂取方云眼黑頭旋虛風內外
非天麻不能除故以為君偏頭痛乃少陽也非柴
胡不能治黃芩苦寒酒製炒劉柴胡治上熱又為
引用故以為臣橘皮苦辛溫炙甘草甘溫補益氣
為佐生姜半夏辛溫以治風痰白茯苓甘平利小
便導濕熱引而下行故以為使不數服而愈

天麻

一分

柴胡

七分

黃芩

五分酒製臣

茯苓

橘皮

各七分去白

甘草

五分佐炙

半夏

一分

右剉如豆作一服水二盞生姜三片煎至一半去粗溫服

醫學啓源卷之終